


212-213

卷之五
十五



續文獻通考卷之二百十二

皇明進士雲間王圻纂輯

氏族考 改易姓氏

周造父攻徐偃王破之周穆王賜以趙國由此為趙氏

穆王宮中盛姬卒悲痛之改其族為痛氏

項伯有功于漢漢封為列侯賜姓劉氏

漢時扶嘉本非姓扶高祖為漢王時與嘉相遇嘉勸以定

三秦高祖以其志在扶翼賜姓扶氏

姜敬說高帝都關中賜姓劉氏

金日磾本匈奴休屠王之子降漢武帝以休屠用金人祭
天賜姓金氏

鄒食其曾孫賜以食其為氏玄孫武為侍中平帝改姓賜
侍其

成帝時班婕妤進侍者李平平得幸立為婕妤上曰始衛
皇后亦從微起迺賜平姓曰衛所謂衛婕妤也

王莽時劉嘉以獻符瑞封扶美侯賜姓王氏嚴尤廉丹皆
賜姓徵氏號二徵將軍改巨無霸為巨毋氏謂因文毋
太后而霸王符也

晉初于晉州胡賜姓呼延氏

後趙石勒本匈奴別部後賣與師氏為奴師家隣于馬牧
牧師汲桑與之往來遂命勒以石為姓以勒石為名

梁天監中餘姚石靈壁寓居湖州西溪生女選入宮生元
帝進號修容改姓曰阮

後魏時章仇禿髮未歸太武帝賜姓源氏以與同源也

豆盧本慕容氏燕敗歸魏北人以慕義為豆盧賜姓豆盧
氏

李陵裔在胡地者未歸魏見于丙殿賜姓丙氏

竇武被害族人竇章奔狄其裔孫存者賜姓紇豆陵氏後復改為竇氏

賀若氏代居玄朔無姓隨魏南遷北俗以忠貞為賀若因賜氏焉又賜大司空田宏固紇干氏許昌公陳忻慰遲氏侯植從魏帝西遷賜姓侯伏氏又賜賀吐氏

閻慶李虎謝懿皆賜為大野氏又賜李弼徒何氏高崇羽真氏

李吒高權部將也為獨孤信所擒宇文泰愛其才配為土伍賜姓獨孤氏

高獲自高麗歸西魏賜姓獨孤氏高賓自東魏來亦賜獨孤氏又賜王顯為乙速孤氏辛威為普屯氏

西魏賜王雄為可頻氏王盟王康為拓王氏

北齊賜王興為拓至氏元文遙為高氏

周宣帝禁人有天高太上之稱改高氏為姜氏

周賜楊紹為屋引氏楊粵為越勒氏楊忠為普六茹氏蔡裕為大利稽氏韓褒為侯呂陵氏段植為賀屯氏段永為爾綿氏王舅為庫汙氏楊紹為叱呂引氏楊纂為莫胡盧氏耿豪為和稽氏陸通為步六孤氏斐文舉蘇椿

梁臺為賀蘭氏申徽韋孝寬韋瑱柳慶崔宣猷崔士謙

崔士約辛卞鄭道邕李彥王悅張軌薛端薛善王傑李

和劉雄令狐整趙昶柳敏韓雄唐瑾皆為宇文氏瑾又更為

萬鈕于氏以于冠雋為若口引氏項亶為辛氏楊突李

盛皆賜獨孤氏又賜李賢妻吳氏姓宇文氏王德姓烏

九氏賜劉道德姓名侯莫陳亮賜冠和姓若引氏郭衍

張照俱姓叱羅氏衍至隋高祖勅復舊姓獨孤楷本姓李氏為獨

孤信所愛因賜姓獨孤氏隋時周搖初姓普乃及居洛

陽改周氏魏閔帝賜姓車非氏隋高祖受禪復姓周

楊入臣本姓尉遲氏文帝賜姓楊氏編之屬籍為皇從孫

李穆有軍功文帝賜姓拓跋氏

段義臣父崇與突厥戰死文帝將賜姓為金氏鮑宏曰昔

項伯不從項羽漢帝賜姓劉氏秦真父能死難魏武賜

姓曹氏如臣愚見請賜以皇族乃賜姓楊氏

牛弘本姓察父允為後魏侍中賜姓牛氏

盧大翼本姓章仇氏文帝從容言天下氏族謂大翼曰卿

姓章仇四岳之裔與盧同源乃賜姓盧氏

唐李藝本姓羅武德時自隋降唐賜姓李氏

李勣本姓徐太祖以其不肯德不邀功賜姓李

練河本姓東太宗以其精練軍戎賜姓練又以突厥留河
南不便賜阿史那思摩突地稽皆姓李使還舊土

李良臣本姓阿跌世為河曲九部首長太宗時內屬使襲
雞田刺史賜姓李光顏光進皆其子也

李獻忠本突厥阿思布來降于唐玄宗賜今姓名

李抱玉本安重璋玄宗以其戰河西有功賜今姓名

魚朝恩本夷族上元中奏改姓魚

桓廷昌上元中奏改為姜

暨佐時上元中奏改為周

李令忠本姓曹肅宗時為四鎮留後遣使入朝賜姓李

李寶臣本張志忠代宗喜其來降以為成德軍節度使賜
姓李

范陽董秦大曆中賜姓李

奚酋長字李氏元和中賜姓李

劉季真歸降賜姓李

王簡為鎮州小將願竭力區處殺田弘正賊穆宗賜姓名

李全畧

武宗以嗚沒斯為懷化郡王賜姓李

昭宗賜孫德昭姓名李繼昭賜周承誨姓名李繼誨董彥弼亦賜姓李氏以其有復位功也

賜姓李氏者又有邴元紘杜伏威郝庭玉宋文通胡大恩弘播郭子和麻延昌鮮于叔明安元諒張寶臣阿希布懷孫跌光進舍利奉國董忠臣朱和國昌皆由立功賜國姓武后改唐為周賜豫王旦廬陵王故太子賢子光順等與契苾明妻及母臨洮公主皆姓武氏又以史納滋為納言宗秦客檢校內史傳遊藝為鸞臺內史平章

事並賜姓武氏李楷固本契丹部族降唐武后以其討契丹有功亦賜姓武氏

李叔文係敬業之叔武后以其不從敬業賜姓武氏後唐段凝賜姓名李紹欽袁象先賜姓名李紹安趙德鈞賜姓名李紹斌夏魯奇賜姓名李紹奇元行欽賜姓名李紹榮杜晏球賜姓名李紹慶朱友謙賜姓名李繼麟康延孝賜姓名李紹琛霍彥威賜姓名李紹真温韜賜姓名李紹冲萇從簡賜姓名李紹瓊房知温賜姓名李紹英米君立賜姓名李紹能優人楊婆兒賜姓名李存

儒宦者馬紹宏賜姓李後明宗時皆復本姓惟杜晏球復姓王氏以杜亦係所養姓也

契丹耶律倍未歸明宗賜姓東丹名慕華後改賜姓李名

贊華

倍在遼稱讓國皇帝

南唐郭紹古賜姓李氏

宋初李繼俸賜姓名趙保忠李繼遷賜姓名趙保吉

真宗立劉氏為皇后以其無宗族少依龔美家改美姓劉為兄弟

神宗時授木征榮州團練使賜姓名趙思忠

番部俞龍琦率其屬來降自言平生聞包待制為朝廷忠臣乞賜姓包氏從之復賜名順

河隍羌首龍拶出降遂定隍節詔賜龍拶姓名曰趙懷德西番巴羶角內附賜姓趙氏

宇文虛中初降金後謀劫二帝歸宋不克而死開禧中賜其後姓趙氏

遼韓德讓賜姓耶律氏

道宗時漢人行營都部署李仲僖北院宣徽使劉霖樞密副使王觀都承旨楊興工各賜國姓耶律氏李儼亦賜

姓耶律氏

金郭藥師董才俱賜姓完顏氏

完顏元宜本姓耶律氏父慎思以遼人降金賜國姓海陵時詔凡賜姓者皆復舊元宜復姓耶律後弒海陵歸世宗復賜姓完顏或言弒君者不宜尊寵乃令其子習涅阿補仍姓耶律

宣宗貞祐中追賜仁聖皇后父王彥昌姓溫敦氏王皇后為溫敦皇后又賜東永昌姓亦為溫敦氏包世顯包疙疸為烏古論氏親令狐為和速嘉氏何定為必蘭氏馬

福德馬栢壽為夾谷氏

宣宗以王狗兒殺偽統制董九賜姓完顏氏

完顏仲元本姓郭氏大安中李雄募兵仲元與完顏阿鄰俱應募官至節度使賜姓完顏氏

金制賜國姓者凡以千人敗敵三千者賜及總麻以上敗二千人以上者賜及大功以上敗千人以上賜止其身阿鄰既賜姓以兄守楫及從父兄弟為請從之仲元乃上奏曰臣頃在軍旅纔立微功過蒙天恩賜之國姓非臣殺身所能仰報族兄徐州觀察副使僧喜前汴州

酒同監三喜前解州鹽管勾添章守興平縣監酒添福
猶姓郭氏念臣与僧喜等昔同一家今為兩族完顏阿
鄰与臣同功皇恩所加并及本族僧喜等四人乞依此
例不許

完顏寔本姓李氏貞祐時以功賜國姓

烏魯古長壽本姓包氏泰和時以功賜姓

梁佐李懿住貞祐時皆以功賜姓完顏氏

張甫張進元光時皆以功賜姓完顏氏

張資祿興定中以功賜姓女奚氏後死節

楊沃衍以功賜姓兀林谷氏後死節

郭振楛以功賜姓顏蓋氏後死節

蘭州汪三郎內附賜姓完顏

西京都統程琢有功詔賜琢姓夾谷氏琢請曰前代皆賜

國姓不繫他族如蒙更賜榮莫大焉詔更賜完顏氏

蒙古國用安降于金賜姓完顏氏

金史臣曰古者天子胙土命氏漢以來乃有賜姓宣宗

假以賞一時之功郭仲元郭阿隣以功皆賜國姓女奚

烈資祿烏古論長壽皆封疆之臣而賜以他姓貞祐以

來賜姓有格夫以名使人用之貴則貴用之賤則賤使人計功而得國姓則以其貴者及賤矣

元李恒其先于論氏唐末賜姓李世為西夏

察罕本姓烏密氏元太祖賜姓蒙古又察罕西域統城人生時月白如晝國人謂白為察罕故名察罕後仁宗與論

帝王賜性命氏之事曰賜姓白氏

賀惟一順帝賜姓蒙古氏名太平至正六年拜御史大夫故事臺端非國姓不以授太平固辭詔特賜姓

至正二十五年立次皇后奇氏為皇后改奇氏為肅畧合

氏

以上皆曰恩賜而改

漢淮南王英布少時以罪被黜遂為黥氏

東漢明德馬皇后以馬何羅謀逆惡其同姓改為莽氏

吳孫皓以孫秀奔魏改為厲氏

宋孝武帝以竟陵王誕反于廣陵改其姓留氏

齊武帝以巴東王子響叛逆改為蛸氏

梁武帝以豫章王綜叛降于魏改為李氏又賜武陵王為襲襲氏又二兄嘗挾妻族欲害武帝母氏言之武帝曰

紀三唐通考
不受其親而愛他人者為悖德吾他日即位當賜姓悖
氏後如其言

隋煬帝誅楊玄感改為泉氏

唐武氏立為后改皇后王氏姓為蟒良婦蕭氏姓為梟
乾封元年改其異母兄武惟良為蝮氏武后與惟良有夙怨
也

瑯琊王冲據博州起兵誅武氏冲父豫州刺史越王貞舉
兵相應兵敗改姓為虺氏韓王元嘉魯王靈夔范陽郡
王霑黃國公譔東莞郡公融及長樂公主皆改姓虺氏

紀王慎流于巴州亦改姓虺

玄宗以竇懷正附太平公主謀逆追戮其尸改為毒氏

以上皆由貶斥而改

春秋宋以武公名司空改司空為司功氏

晉以僖侯名司徒改司徒為司城氏

藉氏出安定避項藉諱改席氏

夔氏避漢元帝諱改為威氏

荀卿漢書避宣帝諱改孫卿

莊氏避漢明帝諱改為嚴氏
如嚴助嚴君平嚴光
皆避諱而改者也

慶氏避安帝父諱改賀氏宋賀萬回自稱慶湖遺老不忘所始也然以湖就己人皆笑之

師氏避晉景帝諱改帥氏

姬氏避唐明皇諱改周氏又侯景以其祖名翔周乃改周石珍周知正等皆為姬姓

和氏避唐明皇諱改洪氏又有改李氏者李含光是也

郇氏避唐高祖父諱改李氏

淳于氏避唐顯宗諱改于氏

啖氏避唐武宗諱改澹氏

閩人沈氏避閩王審知諱去水為尤

宋初匡氏避太祖諱改為王氏政和中詔民間不得以王

祿氏復改為康

陶穀本姓唐避晉祖諱改為陶

湯悅本姓殷名崇義仕南唐為宰相建隆初歸宋避宣祖

廟諱改姓湯名悅

文潞公彥博本姓敬其曾大父避石敬瑭諱更姓文至漢

復姓敬入宋避翼祖諱又復姓文

敬字有去文而為苟者行避諱与文氏同

商氏本姓殷避宣祖諱改商

恒氏避宋真宗諱改為常氏

洪擬本姓和其先避南唐主諱改姓洪後復避宣祖廟諱
遂目之 又孝義傳云洪文撫建昌人本姓和避宣祖
廟諱改焉文撫擬恐是一家也

桓氏避欽宗諱改為亘氏

紹興時詔

勾氏自建炎以來避高宗嫌名更易各不同有易其姓字
者紹興進士勺聲是也有更其音者史館修撰勺濤是
也加金者鈎光祖是也加絲者約紉是也加草者芍謨
是也增為勾龍者加淵是也改為句者句思是也累世
之後不復別矣

真德秀本姓慎避孝廟諱改真

金宗端修字平封汝州人避睿宗諱上一字改宗氏為姬
氏凡太宗諸子皆加山為崇

元金履祥其先本姓劉氏吳越時避錢鏐嫌名乃更為金
氏

以上皆由避諱而改

少康後母有緡氏逃難自竇改為竇氏

比干之子避紂難逃于長林為林氏

理微避紂難改李氏

端木賜之後曰避難改木氏又改沐氏

默台之後曰避難改墨氏又改怡氏

後周遼西人有怡峯云本姓默台

伍子胥之後改五氏

又左傳曰伍子胥諫吳王不聽使于齊屬其子于鮑氏改為棠谿氏

范雎自魏入秦變姓名為張祿

齊田氏避始皇誅去田之左右為王氏或改法氏曰祖有

法章也

漢張良本姬姓曰始皇索之急改張氏

陳廣曾孫孟達避王莽亂去足為東一云曾孫考改太傅

秣氏因避亂改為末

姚氏田恢避王莽亂改媯氏五代孫敷復為姚氏

後漢孔潛避亂居新安山中易姓新氏

杞匡避董卓難改杞氏

吳橫被誅四子慮禍將及乃各居一方守墳墓者為吳居

徐者為昏居幽者為桂居華陰者為炆此四姓同一吳

也

曹魏張遼本聶壹之後以避怨改為張

棗據父本姓棘以避難改為棗

晉孫惠恐為齊王穎所誅改姓名以遁又詭稱南嶽逸士

秦秘之以干東海王越乃得顯用

牛金之子避難改為牢又改為寮後復為牛氏

慕容氏破種類惧誅不敢復姓皆以興為氏

梁衡山王典籤陳寶印苛刻惧誅投湘東王改姓名為表

逢恭

元魏楊愔避爾朱榮之難變姓名為劉士安後為北齊賢相

後周赫連達魯祖庫多汗曰避難改姓杜氏

庫狄峙本段匹磾之後曰避難改姓庫狄氏

隋牛弼之祖以避難改姓遼氏後父元為魏侍中復姓牛氏

唐劉祥道之孫昇幼被武氏禍全家流嶺表後易姓逃難匿土歸

權舉於永王璘反時詭託姓名免其驅脅

成汭殺人被捕更姓名為郭禹以避難後為節度使復舊姓名

南唐舒元與楊訥從李守貞叛守貞敗懼誅元易姓朱訥變姓名為李平俱留江南後元入宋復姓申

宋宋汝為因秦檜惡之將械送金人以肆其毒乃變姓名為趙復徒步入蜀檜死方出

謝枋得以國亡變姓名賣卜于市

何時字了翁樂安人以國亡變姓名號堅白道人賣卜自給

宋時交趾國王李乾順有側室子奔大理變姓名為趙智之自稱平王後與天祚爭立

遼述律氏因國亡改姓石抹氏

元王恂本姓述律氏祖成從母氏避難遼西因改王氏

潘元紹本姓趙廷美之後因避難改潘氏

吏部侍郎伯顏子中本西域人後家江西由吏部出使廣

東未幾廣失守子中求死不得因變姓遊江湖間卒飲鴆死

竹晏避仇改姓竺氏 仲氏之後改為种

鞠氏之後改為鞠 譚氏之後改為覃

仇氏之後改為求 銅鞮氏之後改為遼

秘邗氏之後改為邗 滕氏之後改為騰

陸氏之後改為禡 郟氏之後改為浩

蔡氏之後改為既

昨氏之後改為作

彤氏之後改為彤

樓氏之後改為蓋

薛氏之後改為藥

刁氏之後改為弱

景氏之後改為翠

凡氏之後改為汎

共氏之後改為洪

闕氏去口改為卷氏

章氏之後改為仇章氏

以上皆曰避難而改

戰國楚黃歇取李園之妹為姬已娠而進于王生子為芈氏代有楚國

秦呂不韋取邯鄲女為姬已娠進于秦太子生始皇代有

秦國故曰秦以呂易嬴

漢夏侯嬰為滕令歸滕公及魯孫頗尚公主主隨外家姓號孫公主故滕公子孫為孫氏

灌夫本姓張父張孟為灌嬰舍人遂姓灌

衛青父鄭季以私通衛媼生青曰姓衛

胡廣本姓黃以五月五日生父母棄之有胡公收養焉曰

姓胡

衛繼業字漢嘉嚴道人父為縣功曹縣長張君無子乞為

經文廣通元
已子遂姓張後進仕州郡通顯時禁以異姓為後乃復
姓衛氏

竇武孫輔得胡騰認為子而聘娶焉後劉表舉孝廉使復
姓

蜀漢馬忠少養外家姓狐名篤後乃復姓改名忠

曹操本姓夏侯氏父為曹騰養子遂姓曹

劉封本姓寇劉立德養為子曰姓劉

閔平為閔羽養子非本姓也

曹魏張燕本姓褚繼張牛角為帥而統其軍故姓張

陳魯相無子以甥劉矯為後因改劉為陳

吳朱然本姓施氏朱治娣治子未有子養然為嗣因氏朱

晉恭王妃夏侯氏通小吏牛金生元帝故曰晉以牛易馬

賈充無子以外孫韓謚為後因氏賈

後趙冉閔為內黃石氏養子曰姓石

後燕慕容雲本姓高為慕容寶養子曰姓慕容氏

宋廢帝劉昱本姓李初明帝以妾与李道兒既姓復取以

歸遂生昱

陳宣武章后本姓鈕父景明養于章氏因姓章

周文育本姓項周養養為子曰姓周

元魏高崇字積善渤海人母沮渠牧捷女封武威公主牧

捷子坐事誅公主痛本生絕嗣遂以崇繼牧捷後改氏

沮渠

宦者仇洛齊本姓侯生而無陽母舅養為子曰姓仇

北齊高隆之始為奄人徐成養子或云父幹為姑壻高氏

所養曰冒其姓後神武引以為弟

獨孤永業本姓劉幼隨母改適獨孤氏為其養子遂姓獨

孤

穆提婆本姓駱穆昭儀養為已女曰姓穆

後周宇文述本姓破野頭其主侯豆得賜宇文而冒其姓

隋王世充本西域胡人姓支氏父卒幼從母嫁王氏曰冒

其姓

唐呂羅真為回紇養子曰姓萬羅氏

安祿山本姓康隨母嫁安氏冒姓安

高力士本姓馮中人高延福養為子曰姓高

元載父昇本姓景曰曹王明妃元氏賜田在扶風昇主其

租曰請于妃冒為元氏

嚴州明少育外家冒姓鮮于後復本姓代宗又賜姓李

鄭注本姓魚冒姓鄭人稱魚鄭又號水族

令狐綯為相有胡氏亦冒令狐人笑曰自從元老登庸後

天下諸狐盡帶鈴

楊復光本姓喬內侍楊玄脩林養為子曰姓楊

楊復恭本姓林育于楊玄价無家曰姓楊

孔脩少冒姓朱又冒姓趙

張承業本姓康為養人張恭養子曰姓張

安思敬為李克用養子改姓名李存孝後以叛誅

王鎔本回紇遺種為王武俊養子曰姓王

王殷幼本姓蔣為王重殷養子曰姓王

後梁王都本姓劉中山陘邑人也李應之得于村落間養

為己子後復為定州帥王處直之子曰姓王

後唐明宗本姓邈佶烈氏李克用養為子後繼莊宗即位

時張存信孫存進王存賢張嗣昭駱嗣恩符存審皆以

養子冒姓李明宗詔皆復本姓

霍考威字子重不知何許人梁將霍存得于村落年十四

列于廝養後養為己子曰姓霍

潞王從珂本姓王明帝養為子後即帝位

慕容考超本漢祖同產弟養于閻氏冒姓閻黑胡髯人

號閻崑崙後又姓慕容不知何故

後晉石敬瑭本西域人冒姓石

後漢劉知遠本沙陀人冒姓劉

周世宗本柴守禮子郭威養為子後即帝位

北漢劉承鈞乃劉晏養子繼思繼元又承鈞養子繼思本

姓薛繼元本姓何二人異父同母母即劉晏之女也

王宗佶本姓甘氏王建為忠武軍卒時掠得之養以為子

曰姓王

南唐徐知誥本姓李為徐溫養子曰姓徐後復姓名李昇

趙延壽本姓劉為趙德鈞養子遂姓趙

李元亮本姓安駱奉先子之遂姓駱

符守信本姓郎總管符翁子之遂姓符

宋石熙道本姓牛隨母歸石氏曰姓石其弟熙正以異姓

居已上奏復其姓

范仲淹幼隨母改適朱氏名朱祿後復其姓表曰名非霸

越泛湖自號為陶朱志豈強秦入境遽名為張祿二人

范氏改姓而朱祿適其名也

申積中成都人政和中為楊繪養子曰姓楊氏後登進士

所養父母喪葬畢又為二弟一妹婚娶復姓申氏

寧宗后楊氏少以姿容選入宮忘其姓氏或謂會稽有楊

次山者后自謂其兄乃姓楊氏

江萬里無子以蜀人王櫛子鑄為後遂姓江氏後与萬里

同死國難

魏了翁本姓高養于姑魏氏曰姓魏其同產高稼高定子
俱進士

元詹士龍固始人三歲時為董文炳養子既長求復姓文

炳戲曰尔欲復姓投石不沉則從尔士龍祝天投石沉

而復浮者數四文炳遂許之

虎都鉄木祿好讀書仁宗字之曰漢卿謂漢名卿不讓也

其母姓劉氏故人又稱為劉漢卿

章卿孫蜀人本姓劉氏幼為章提刑養子遂姓章以孝行

聞

劉秉忠幼從釋氏名子聰世祖時同議樞密院事復姓劉

名秉忠

以上皆曰私冒而改

漢訾順本姓祭以為不祥改訾氏

馬矢氏改馬官馬官止
稱馬

是儀本姓氏孔融嘲氏字民無上遂改為是

謝服為鴻臚卿出征嫌其姓名不祥乃改為射威

晉元達字長宏本姓喬以其生日妨父改為陳

嵇康本奚氏康改為嵇

北齊婁太后疾用巫言改為石

五代裴愉本袁姓仕南唐改姓裴

危全諷錢鏐惡其姓改元氏元給其裔也

以上皆以嫌改

子產稱鄉校為師其子孫改校師氏

中行穆子相晉侯投壺而生子因以投壺氏為

東方朔因東方明而生改張氏為東方氏

范蠡居于陶為陶朱氏

梁鴻改運期氏

京房吹律得姓改李為京

張象因祖封折侯改折氏

劉凝之慕伍員忠烈改員氏

晉黃初平既得仙術以方教授南伯逢易姓為遂赤自號赤松子

慕容本鮮卑種至涉歸慕二儀之德繼三光之容因姓慕容氏

蒲洪家蒲長五丈五節如竹時人稱蒲家因為氏後以讖文草付應王改姓苻氏

佛圖澄本姓帛氏以師莫過于佛遂釋為姓

赫連氏本匈奴種後居中國以王者繫天為子改姓赫連

庶協皇天之意其非正統者皆氏鉄伐欲剛銳如鉄能伐人

康居王姓温丹氏失昭武城南依葱嶺其裔皆姓昭武不忘本也

魏全琮孫暉食封白水改姓泉氏

屈全之裔孫仕後魏以出自南方改南屈氏

隋陳永貴本姓白封北陳郡公遂姓陳氏

武鄉女子焦氏既聾又啞嫁不售樵於野為人犯生一男

六歲莫知其姓高構曰母不能言窮竟理絕生于武鄉

可姓武

唐陸羽不知所姓筮易得漸之蹇曰鴻漸于陸其羽可用

為儀遂姓陸名羽字鴻漸

此非改姓之列實不因舊姓者也故附于此

金張浩本姓高東明王之後曾祖霸仕遼而為張氏

馬慶祥本姓習禮吉思先世自西域入居臨兆狄道以馬

為氏

元布魯海牙拜廉使子希憲適生喜曰吾聞古以官為姓

天其以廉為吾宗之姓乎故子孫皆姓廉氏

元月乃合曾祖帖木爾越哥仕金為馬步軍指揮官名有

馬因以馬為氏一云馬祖常之高祖名錫里吉思金季

為鳳翔兵馬判官子孫因其官以馬為氏

小雲石海涯以父名貫遂以貫為姓

諳都刺以祖名蘭遂以蘭為姓

唐仁祖因其祖名唐古直子孫遂以唐為氏

以上皆有因而改

杜氏為徐

袁氏為衡

求氏為裘

辛氏為計

景氏為元

賁氏為封

姑氏為羊

羊舌為吉

是光為齊

魏馮孚改李

晉虞慶則本姓魚改為虞

梁周文育本姓項改為周

以上不知所因

陳氏為田 韓氏為何 黨氏為掌 歐氏為區

戴氏為載 蠻氏為瞞 號氏為郭林宗 呂氏為甫

郊氏為談 妘氏為似 苦氏為庫 雷氏為盧

恭氏為共 共氏為洪 裴氏為壘 閻氏為盧

王孫賈之後為古孫氏以賈近於古也

苦成子以成子食苦邑故以為氏後訛為古成又為庫成

慕容氏為慕輿 賀遂氏為賀悅 夫餘氏為鳧臯

吾丘氏為虞丘 毋丘氏為曼丘 申徒氏為申屠

申屠氏為信都 瞻葛氏為諸葛 步搖氏為慕容

鄆氏為繒 穆氏為繆 耿氏為簡簡雍

莘氏為辛

北齊時有破六韓常其始以祖潘六奚名為氏後人訛誤

以潘六為破六

北齊綦連猛其先姬姓六國末避亂保祈連山因以為姓

後復訛為其連

元趙良弼本姓木要甲音訛為趙家因姓趙趙世延亦同

此

有因二音而訛者員音一運俞反一敕救反葉本音攝今從正音呼矣甄本音堅宣和時唱進士名以堅呼之不應訛為甄陶之甄矣

又黃帝時有伶倫後冷姓者訛而為冷班固本姓班後訛而為班揚雄本姓揚後皆訛為揚

以上皆因訛而改

鄆為章

邨為丙

邾為來

鄆為專

邨為尋

邨為呂

邨為后

鄆為會

鄆為禹

邨為云

鄆為魯

鄆為兒

邾為朱

邾為成

邾為甸

數姓皆去邑

媯為吉

去女

幕為莫

去巾

橋為喬

去木

理為里

去王

譚為覃

去言

熊為能

去火

盧蒲為蒲

閭丘為閭

即墨為即

鍾離為鍾

馬服為馬

褚師為褚

毋丘為毋

司寇為寇

宗伯為宗

褐冠為冠

主父為主

須句為須

須句為句

段干為段

渾沌為屯

以上皆因省文而改

賀樓為樓

賀葛為葛

是婁為高

叱盧為祝

和稽為緩

去斤為艾

是賁為封

叱奴為郎

吐難為山

古引為侯

出連為畢

乞扶為扶

一那婁為婁

是連為連

俟奴為俟

可單為單

紇骨為骨

沓盧為沓

大莫干為部

屈突為屈

俟亥為亥

俟畿為畿

賀兒為兒

叱利為利

叱李為李

柯拔為柯

莫那婁為莫

叱羅為羅

莫輿為輿

費連為費

費羽為羽

黠弗為弗

莫盧為盧

介綿為綿

解批為解

奇斤為奇

統萬為萬

統稽為稽

安遲為安

黠弗為弗

秘邗為邗

如羅為如

吐奚為古

奇斤為奇

副呂為副

那婁為婁

綦連為綦

輾遲為展

妣先為妣

渴侯為紙

烏蘭為蘭

若干為苟

素和為和

拔畧為蕪

紇干為干

沓盧為沓

渴侯為猴

渴侯為似

丘林為林

薄奚為奚

隋時房北
本姓屋引

車焜為車

牒云為云

乙弗為乙

達勃為褒

普乃為周

隋時周
本姓普乃

屋引為房

叱干為薛

達奚為奚

茂春為茂又為春

莫蘆為蘆或為盧

丘林為林又為丘丘敦亦為丘

直勒為謝孝徵改

尉遲為楊

隋時楊義臣本姓尉遲

鉗耳為王

副呂為副又為呂叱丘亦為呂

就賴為就菟賴亦為就

温狐為温嗚盃亦為温

阿伏為阿阿賀亦為阿

紇單為紇紇奚亦為紇

羽真為高楚婁亦為高

是云為是是奴亦為是

盖婁為盖足婁亦為盖

費羽為羽拂羽亦為羽

俟力為鮑俟力代亦為鮑

烏桓丸為桓阿鹿桓亦為桓

可地為延可地延亦為延

俟奴為俟俟伏斤亦為俟

黠弗為弗燕弗亦為弗鐵弗亦為弗

吐門為門叱門亦為門庫門亦為門

拓拔為元紇骨亦為元是云亦為元景氏亦為元

阿單為單渴單亦為單 悉雲為雲宥連亦為雲

賀蘭為賀賴氏亦為賀

吐谷渾為渾

俟呂隣為呂

步六孤為陸

丘穆陵為穆

阿伏干為阿

普陋茹為茹

拔列蘭為梁

烏落蘭為蘭

宿六斤為宿

庫若干為干

扈地干為扈

俟伏斤為斤

他駱拔為駱

郁靚甄為甄

若口引為冠

破多羅為潘

破落那為那

步鹿如為鹿

阿史那為史

沿路真為路

譬歷辰為辰

訖突隣為隣

骨咄祿為祿

大利稽為部

俟力伐為鮑

大洛稽為稽

俟伏斤為伏

壹斗眷為明

步鹿根為步

獨孤渾為杜

樹洛于為樹

禡庫官為庫

奚什盧為盧

莫胡盧為楊

渴燭渾為朱

於古論為劉

元劉國傑本姓

於古論後入中州改姓劉氏

嗚石蘭為石

以上皆變夷而改

按代北之人隨後魏遷河南者獻帝為之定姓為複姓或為三字姓或為四字姓其音多似西域羌書有二合三合四合者皆指一字之義故孝文用夏變夷改為單字之姓又孝文詔南遷者死不得還即葬洛陽故虜姓皆在河南又按其書曰河南官氏志者蓋由代北之人隨後魏南遷因作其書而為之志又按孝文之時咸改單姓惟賀若氏不改及乙旃氏改為叔孫拔枝氏改為

長孫

閻慶為大野氏

辛威為普屯氏

李弼為徒何氏

田弘為紇干氏

王雄為可頻氏

王罷為拓王氏

韓裒為侯呂隣氏

蔡氏為大利稽氏

陰氏為丘目陵氏

周氏為車非氏

南氏為宇文氏

侯氏為侯伏氏又為賀屯氏

多見恩賜類

以上皆變於夷而改

按後周宇文氏起于夷虜故欲變夏為夷以夷為貴也然官制一遵三代而姓氏仍用夷虜何所見之背馳哉

元魏官氏志附錄以備參考

獻帝七族

長兄為紇骨氏後改胡氏

次兄為普氏後改周氏

次兄為拓拔氏後改長孫氏

弟為達奚氏後改奚氏

次弟為伊婁氏後改伊氏

次弟為丘敦氏後改丘氏

次弟為侯氏後改亥氏

以上為七族與姓源所載微不同

又叔命父之

胤曰乙旃氏後改叔孫氏疏屬曰車焜氏後改車氏

已上與帝室為十姓百世不通婚太和以前國之喪葬

祠禮非十族不得與高祖輩之各以其職司從事

神元時各部諸姓內入者多變見夷中

丘穆陵氏後改穆氏 步六孤氏後改陸氏

賀賴改賀氏 獨孤改劉氏 賀樓改樓氏

勿怛于改于氏 是連改連氏 僕闌改僕氏

若干改荀氏 普陋茹改茹氏 拔烈改梁氏

撥略改略氏 叱羅改羅氏 若口引改寇氏

賀葛改葛氏 是賁改封氏 阿伏干改阿氏

可地延改延氏 阿鹿桓改鹿氏 他駱拔改駱氏

薄奚改薄氏 烏丸改桓氏 素和改和氏

吐谷渾依舊 賀若氏依舊 胡古口引改侯氏

谷渾改渾氏 匹婁改婁氏 俟力伐改鮑氏

吐伏盧改氏 牒云改云氏 是云改是氏

叱利改利氏 副呂改副氏 那氏依舊

如羅改如氏 乞扶改扶氏 阿單改單氏

俟幾改幾氏 賀兒改兒氏 吐奚改古氏

出連改畢氏 庾氏依舊 賀拔改何氏

叱呂改呂氏 莫那婁改莫氏 奚斗盧改索盧氏

莫蘆改蘆氏 出大汗改韓氏 沒路真改路氏

扈地于改扈氏 莫與改與氏 紇于改于氏

紇伏斤改伏氏 是婁改高氏 尸突改屈氏

沓盧改沓氏 嗚石蘭改石氏 解批改解氏

奇斤改奇氏 須卜改卜氏 丘林改林氏

大莫干改邵氏 介綿改綿氏 盖樓改盖氏

素黎改黎氏 渴單改單氏 壹斗眷改明氏

叱門改門氏 宿六斤改宿氏 劓邦改邦氏

土難改山氏 屋引改房氏 樹洛于改樹氏

乙弗改乙氏

東方宇文慕容氏即宣帝時東部

南方茂眷改茂氏 宥連改雲氏 柯拔改柯氏

次南紇豆陵改竇氏 侯莫陳改陳氏 庫狄改狄氏

大洛稽改稽氏

西方尉遲改尉氏 達勃改褒氏 獨孤渾改杜氏 步

鹿狼改步氏 破多羅改潘氏 叱于改薛氏 侯奴改

侯氏 輾遲改展氏 費連改費氏 綦連改綦氏 去

斤改艾氏 渴侯改緹氏 叱盧改祝氏 和稽改緩氏

寃賴改就氏 嗚盆改温氏

北方賀蘭氏改賀氏 郁都甄改甄氏 紇奚改秘氏

越勒改越氏 叱奴改狼氏 渴燭渾改味氏 庫褥官

改庫氏 烏洛蘭改蘭氏 郝萋改萋氏 羽弗改羽氏

太和十九年詔代人諸胄先無姓族雖功賢之胤混然

未分故官達者位極公卿其功衰之親仍居猥任此欲

制定姓族事多未就且宜甄擢隨時漸銓其穆陸賀劉

樓于稽尉八姓皆太祖已降勲著當世位盡王公灼然

可知者且下司州吏部勿充猥官 同四姓自此以外

應班士流者尋續別勅原出朔土舊為部落大人而

自皇始已來有三世官在給事已上及州刺史鎮大將

及品登王公者為姓若非大人而皇始已來職官三

世尚書已上及品登王公而中間不降官緒亦為姓諸

部落大人之後而皇始已來官不及前列而三世為中

散暨以上外為太守子都品登子男者為族若非

大人而皇始已來三世有令已上外為副將子都太守

品登侯已上者亦為族凡此姓族之支親與其身有總

麻服已內微有一二世官者雖不全充美例亦入姓族

五世已外則各自計之不蒙宗人之廕也雖總麻而三

世官不至姓班有族官則族官無族官則不入姓族之
例也凡此定姓族者皆具列由來直擬姓族以呈聞
朕當決姓族之有未其此諸狀皆須問宗族列疑明同
然後勾其舊籍審其官官有實則奏不得輕信其言虛
長僥偽不實者訴人皆加傳旨問而仍詐不以實坐選
官依職事答問不以實之條令司空公穆亮領軍將軍
元儼中護軍廣陽王嘉尚書陸瑋等詳定北人姓務令
平均隨好者三月一列簿帳送門下以聞於是升降
區別矣

世宗世代人猶以姓族辭訟又使尚書丁忠王匡侍中
穆詔尚書元長等量定之

皇明

賜諸臣姓

太祖義子數人如李曹國文忠沐西平英都督何文輝徐
司馬及元帥文剛文遜等皆賜國姓後改本姓正
德五年義子武德一賜裴姓七年都督錢寧錢安許
國賜朱姓又賜都督朱福朱剛都指揮朱謙朱春
朱翥朱增朱斌朱政朱海朱岳朱昇朱晟朱彪朱鏞朱

鈔指揮千百戶鎮撫旗舍朱欽等百二十人姓十二年
賜舍人朱山朱準朱容朱淮朱渭朱義朱大爵朱印朱
珂姓俱錦衣衛食糧尋 詔都督江彬許泰劉暉張洪
神周李琮指揮焦睿俱 賜國姓又改指揮楊瑄曰璋
焦椿曰琮桂曰松張天祐曰海廷鷺曰壁馬定曰靖俱

賜國姓

賜降人姓

國朝賜忠勤伯丑驢曰李賢同安侯火里火真曰火真
順義伯阿魯哥失里曰羅秉忠恭順伯把帖木兒曰吳

允誠忠勇王也先土于曰金忠安順侯脫火赤曰薛
貴永順伯脫懽曰薛斌清平侯買驢曰吳成忠勇伯把
台曰蔣信子也兒孛思曰蔣善恭順侯也都帖木兒曰
吳克忠都督指揮指揮等官麻子帖木兒曰王麟完者
帖木兒曰吳良論都兒灰曰柴秉誠把敦朮曰吳守義
曲倫台曰夏貴北斗曰戚斌觀音保曰李觀把住曰楊
效誠原兒只曰馬惟良鐵柱曰柴克恭滿東兒灰曰柴
志誠脫脫孛羅曰脫順又脫脫孛羅曰和愛阿兒剌台
曰楊汝誠伯帖木兒曰柴志敬猛哥曰安汝敬脫脫曰

揚必敬只蘭曰吳克誠系列于曰吳存敬克羅俄領占
曰羅秉忠火失谷曰韓以謙白斗奴曰白忠阿的納曰
王義阿刺帖木兒曰穆義頂住驢曰丁順季百家奴曰
季安祖住不花曰柴永謙額里孛羅曰高禮那罕赤曰
莫清把秃曰趙忠美伯容帖木兒曰宋一誠哈刺你敦
曰張隆善演只不花曰王懋忠撒兒桃曰劉允信釋家
奴曰李顯忠答卜曰張志義阿刺失曰李從善可捏曰
郭以誠苦木帖木兒曰柴永正達冊曰安汝堅把的曰
卒以正迷南失加曰安思謙乃馬歹曰王存禮阿討刺

曰白瑜恰恰曰陳守忠皮兒馬黑麻曰馬克順伯顏達
里曰于忠那海曰海榮五十六曰陸忠丑丑曰田義虎
三曰王彪黑漢曰陳玄伯家驢曰白毅饒五十曰姚智
歹都曰郭美牙失納曰芮剛採住兒曰朱採脫火赤曰
朱靜潑即兒曰朱滿都忽曰朱恩卜才罕曰朱窺又編
修火你赤曰霍五

改姓諸臣

東勝侯汪興祖初張姓 都督僉事謝彥初孫姓
右都督寧正初韋姓

黃觀初從父贅姓許幼穎敏受學元黃得得死節觀益砥礪洪武二十四年會試禮部第一廷對擢進士第一授官翰林復黃姓累陞尚寶卿禮部右侍郎建文君改侍中掌尚寶司事與方齊茲見信用文皇帝索齊黃時觀草詔極詆斥建文四年奉詔募兵上游且督諸郡王勤至安慶聞變痛哭自分大事已去乃朝服東向再拜于羅刹磯湍急處投水而死詔籍其家陳彥回父被誣論死彥回謫戍滇南未入滇家人多道死比至蜀惟彥回與祖母郭存會赦又弗原監送者憐而

縱之去顧貧不能歸住依定遠知縣黃積良稱黃姓未幾被薦為保寧府學訓導建文初薦陞徽州知府是冬郭氏卒重承徵父老乞走京留會彥回衰經赴闕疏乞得復陳姓彥回恒以亡命冒宗為愧悒悒不自安屢欲陳首輒自籌曰祖母年高即蹉跌奈何隱忍二十餘年始得行其志靖難兵至江上彥回糾義勇勤王文皇即位至京死之籍其家

東里楊先生世為儒家一歲而孤母改適羅公理時舉進士為德安府同知以其家行歲時祀先祠恒命諸子陪

禮公獨不見命時尚六歲以問母母泣而語之曰慟日
益感發七歲私竊磚土做作神主于外別室祀其三世
每旦入焚香謁拜出入扃鑰秘無知者既久左右覘知
以告德安公旦視先生入謁与母宜人從戶外窺窺之
見其進退拜伏皆感泣遂復陳姓

少保楊溥初吳姓 右都御史熊緊初胡姓 右副都御
史陳泰初曹姓 太常卿夏昞初朱姓 工部尚書趙榮
初王姓 南戶部尚書潘蕃初鍾姓 副都御史江昂初
周姓 尚書孟鳳左布政孟麟初臧姓 兵部尚書張經

初蔡姓 天順庚辰狀元王一夔奏復謝姓 天順甲申

會元吳欽奏復陸姓 天順間章尚書恭懿倫身歿後子

孫奏復吳姓 天德中魏太常文簡校身歿後子孫奏復

李姓 嘉隆間御史沈鐸初邵姓 少傅大學士呂本初

李姓 左布政汪尚寧初程姓 禮部尚書陸樹聲順天

府丞陸樹德初林姓 侍講邢一鳳初林姓 大學士申

時行初徐姓 都御史王一鶚初楊姓 大理評事王大

學初孫姓 都御史廖逢節初楊姓 按察副使馬顧澤

初顧姓 御史房寰初姚姓 按察副使景承芳初王姓

賜諸臣名字

高皇帝時靖江王鐵柱 賜名煒再 賜名守謙鄧衛公
友德 賜名愈李曹公保兒 賜名文忠楊左丞畢
賜名憲陳御史大夫亮 賜名寧江陰吳侯初為指揮
名國興 賜名良魏國公徐允恭既嗣爵 賜名輝祖
及諸弟增壽添福膺緒皆 賜名又 賜署令汪文名
蹇忠定初名瑑 帝親書義字 賜之齊尚書初名德
賜名泰鐵尚書以都督斷事奏對稱 旨 上為字
之曰鼎石胡文穆初名廣 建文君易之曰靖後 文

皇命仍故名 永樂時楊文敏子榮入閣 上為改之

曰榮故魏國公徐輝祖子迦保襲爵特 賜名欽李狀

元初名馬開榜 上親書其字于旁遂名騏河南護衛

軍俺丁三發周王反謀陞錦衣衛指揮僉事賜姓名趙

城 洪熙元年 賜魏國公徐長孫名顯宗夏太常祀

既第八中秘 宣廟一日視其名曰日可從旁乎改置

上曰景王毅愍初名強改 賜曰文沐黔公初名儼改

賜曰斌成化中改布政使胡德勝曰名德盛會昌侯

孫鎮以名犯 英廟諱 上為改曰銘 世宗朝少傅

張文忠璉以媪名請 工為改曰字敬仍 賜字曰茂
恭恭誠伯陶仲文 上為改字曰載道 賜號曰林隱又
曰凌虛子

先代

姓名相同

兩曾參有與曾子同姓名者而殺人人告曾子之母母曰
吾子不殺人織自若有頃焉人又曰曾參殺人其母尚
織自若也頃之又一人告之曰曾參殺人其母懼投杼
踰垣而走

兩毛遂野人毛遂墜井而死者以告平原君平原君曰嗟
乎天喪予矣既而知非平原客

兩子夏杜欽字子夏少好經書家富而目偏盲茂陵杜鄴
與欽同姓字俱以才能稱京師故衣冠謂欽為盲子夏
以相別欽惡以疾見詆延為小冠高廣繞二寸由是京
師更謂欽為小冠杜子夏而鄴為大冠杜子夏云

兩孟公陳遵字孟公特列侯中有與遵同姓字者每至人
問曰孟公坐中莫不震動既至而非目號其人曰陳驤
坐云

兩韓翃唐德宗時制誥闕人上批日与韓翃時有与翃同姓名者為江淮節判史又具二人同進上復批曰春城無處不飛花寒食春風御柳斜与此韓翃

兩李益李益時又有太子庶子李益同在朝故此言文章李益以辨云

皇明

姓名相同

兩郭子興一高皇帝舊帥滁陽王
一洪武中鞏昌侯

三王真一洪武都督僉事追封臨沂侯
一承樂金鄉侯追封寧國公復有都督同知為遼東總兵

五張信一洪武中狀元侍讀
一孝子尚寶鄉
一承樂隆平侯
一宣德兵部左侍郎
一弘治彭城伯

三吳良一洪武江陰侯
一正統都督同知

三李敏一洪武工部尚書
一景泰戶部尚書
一成化戶部尚書

三李浩一洪武刑部侍郎
一景泰南工部右侍郎
一成化禮部尚書

三張鳳一洪武行人中書省參政
一天順戶部尚書
一正德右副都御史

兩朱榮一洪武
一永樂俱都督

兩李素一洪武御史中丞
一洪熙都御史

兩黃琛一洪武駙馬都尉
中都正留守
一成化南京戶部右侍郎

兩吳禎一洪武靖海侯

兩劉寧一洪武
一成化俱都督

兩石璞一洪武右侍郎
一景泰太子太保兵部尚書

兩陳文 一洪武都督僉事東海孝勇侯
一成化大學士莊靖公

兩李泰 一洪武戶部尚書一成
化詹事府詹事兼學士

兩陳清 一洪武都督封合浦侯
一和治南京戶部尚書

兩呂本 一洪武吏部尚書建文外大父
文太子妃父也一即李本改姓 懿

三李賢 一永樂忠勤伯一宣德豐
城侯一成化少保大學士

三王佐 一永樂順昌伯一正統戶部
尚書一正德南京戶部尚書

兩金忠 一永樂一兵部尚書贈
少師一太保封忠勇王

兩陳亨 一永樂一右都督追封涇國
公一和治都督追封成武公

兩張興 一永樂靖難功臣一
都督僉事一安鄉侯

兩蔣驥 一永樂禮部侍郎
一和治定西侯 兩吳江 一永樂總兵
一和治總兵

兩陳壽 一永樂工部左侍郎贈尚書
一正德南刑部尚書

兩李英 一宣德一建官會
寧伯一都督同知 兩陳智 一宣德榮昌伯一
正統右都御史

兩劉昭 一宣德都督一太
子少保工部尚書 兩劉連 一宣德戶部左侍郎
一成化太僕鄉

兩張本 一宣德太子賓客兵部尚書
一和治都察院右副都御史

兩顧佐 一宣德右都御史
一正德戶部尚書 兩張昇 一正統一彭城伯
一和治都御史

兩張瑾 一正統彭城伯
一天順太平侯 兩宋傑 一景泰一西寧侯
一和治都御史

兩劉清 一景泰刑部侍郎
一成化提兵都督 兩王通 一景泰都督同知
一和治右都督

兩韓福 一景泰左副都御史
一正德戶部左侍郎

兩李棠 一景泰刑部左侍郎一隆慶南吏部右侍郎

兩趙榮 俱天順一忻城伯一工部尚書

兩陸鈇 俱榜眼一天順甲申一正德辛巳二科俱非正歲

兩李文 俱成化一高陽一都督同知 兩李震 俱成化一興寧伯一兵部左侍郎

兩吳琮 俱成化一襲清寧伯一襲廣義 兩王信 俱成化俱一都督同知

兩張鵬 俱成化一太子少保一兵部尚書一都督僉事

兩吳節 俱成化一太常寺卿兼翰林院侍讀學士一都察院右副都御史

兩馬昂 一成化一太子少保一都尚書一正德左都督

兩李和 一成化南戶右侍郎一嘉靖駙馬都尉

兩李瑾 一成化太子太傅襄城侯一嘉靖征西將軍大同提兵

兩李本 一成化南禮部尚書一嘉靖少傅大學士

四張泰 成化二人一正德二人一以南右都為名文人正德二人一以南右都為南京戶部尚書一為名文人正德二人一以南右都為南京戶部尚書

三張璣 成化二人一戶部侍郎一襲封惠安伯嘉靖一人少保兵部尚書

三白玉 成化二人一右都督一都督僉事正德一人右都督

兩韓文 俱知治俱字貫道一都察院右副都御史一戶部尚書

兩徐溥 俱知治一永康侯一少師大學士

兩王道 一知治右副都御史一嘉靖吏部右侍郎

兩王憲 一正德襲封靖遠伯 一嘉靖太子太保兵部尚書

兩張縉 一正德南戶部尚書 一嘉靖都察院都御史

兩彭澤 俱嘉靖 一少保兵部尚書 一太常卿 兩陳儒 俱嘉靖 一秦寧侯 一都御史

兩胡松 俱嘉靖 一工部尚書 一吏部尚書 兩張岳 一嘉靖 一萬曆 俱都御史

兩孫應奎 俱嘉靖 一戶部尚書 一都御史 兩吳山 俱嘉靖 一刑部尚書 一禮部尚書

兩趙錦 一嘉靖 太子少保兵部尚書 一萬曆南吏部尚書

兩李春芳 俱嘉靖 一丁未 廷試第一 太傅吏部尚書 一癸丑進士 吏科給事中

兩李際春 一嘉靖 通政司通政 一隆慶 戶部主事 一萬曆 初任知縣

兩陳瓚 俱隆慶 三年 一左都御史 一太常少卿

續文獻通考卷之二百十二終

續文獻通考

四十五

續文獻通考卷之二百十三

皇明進士雲間王圻纂輯

氏族考

氏族故事

生而有文 后稷之孫生而有文在手曰鞠因以為氏

盤庚妃姜氏夢龍入懷孕十二月而生手把南字長封

荆州號南赤龍 出姓源韻譜

周文王曹夫人姜氏見赤龍交而孕十二月生子手把

薛氏因氏為薛 出薛氏血脉譜

周昭王少子生而有文在其手曰闔康王封于闔城出

唐表

周昭王夫人生子左手有公文右手有羽文乃賜姓翁

氏出世說

周平王少子生而有文在手曰武遂以為氏姓纂出元和

子他之子曰文生而有文在手左曰魚右曰羊及長封

漁陽姓鮮于氏為燕附庸出鮮于血脉譜

按左氏謂季友生而有文在其手曰友因以命之每疑其誕後人由此復廣其說似又有可信者存之

熟於譜學 晉太原中散騎常侍河東賈弼撰姓氏簿狀

十八州百六十群合七百一十二篇士無遺采王洪

劉湛好其書洪日對千客不犯一人諱

唐李守素為倉曹參軍通姓氏學號肉譜虞世南與論

人物嘆曰肉譜定可畏許敬宗曰此名豈雅目耶世南

曰昔任彥昇通經時稱五經笥今以倉曹為人物志可

字

爭族高下 晉王導與諸葛恢戲爭氏族王曰人言王葛

不言葛王何也恢曰人言驢馬豈驢勝馬耶

隋麥鐵杖始為盜賊後為大將軍竇威問其宗何所本鐵杖曰與卿同宗人不曰豈麥豈麥乎威大慚

北齊李繪與梁泛言氏族袁狎曰未若我本出自黃帝姓在十四之限繪曰兄所出遠雖當近車千秋分一字耳一坐皆坐笑

唐有姓崔者自矜氏族鄙林氏為下林愠折之曰崔子弑齊君林放問禮之本優劣如何其人俯首不能對爭譜去取唐孔至明世族學撰百家類例以張說等為近世新族刪去之說子均方有寵怒曰天下族姓何預

若事而紛紛耶

自表世家 晉杜坦因文帝稱金日磾進言曰日磾若生今世牧馬不暇安得顯用文帝曰卿何量朕之薄也坦曰且以臣言之臣本中州鉅族特以渡江差後遂以僮荒見隔以此而觀日磾安得不牧馬帝悅遷為侍中謝康樂自稱太傅安石為宗衮

不尚世家 袁詎為蘓州刺史司馬張沛嘗白詎曰州得一長史隴西李亶天下甲門也詎曰夫門戶者歷世名節為天下所高老夫是也山東人尚婚媾求祿利耳至

見危授命則無人焉何足尚耶沛大慙

元魏官人專尚世族李冲曰傳說呂望豈可以門地得

之李彪曰魯之三卿何如四科官人豈論也韓顯宗

曰陛下豈可以貴寵貴以賤寵賤皆不聽

以姻取咎 晉王氏有與滿奮之族為婚者人笑曰王滿

為婚誠所未見譏其不稱也

梁時劉整利富人之財嫁女于卑族為任彥升所劾

侯景降梁求與王謝為婚武帝曰王謝非偶可于朱張

下求之後景反入臺城取帝女溧陽公主室之

異派同根 隋末李密與唐高祖書曰與兄派流雖異根

系本同

妄附籍譜 唐中宗時有巫趙氏挾鬼道出入禁掖趙彥

昭以姑事之得遷中書侍郎同平章事

李義甫既貴言系出趙郡與諸李叙昭穆嗜進者往往

尊為父兄給事中李崇引與同譜及義甫貶斥亟削去

羅威錢賦詠甚有情致錢塘人羅隱有詩名威遣使賂遺

自叙宗姪呼為叔父

張九齡為相時張說親重之與通譜系

韋嗣立與韋后疎屬中宗特詔附屬籍

唐有士人姓方好矜門地但姓方貴人必認為親戚或戲之曰豐邑方相何親遽曰再從伯氏戲者笑曰既是方相姪止堪嚇鬼蓋豐邑乃造凶器出賣地也

宋蔡嶷附族于蔡京呼京為叔及京使攸出見遽改曰向者大誤公乃吾叔祖也人皆鄙笑之

金章宗時元妃李氏得寵兄喜兒與弟鐵哥皆擢顯近勢傾朝廷風采動四方南京李炳中山李著與通譜系超取顯美

妄認遠祖 梁何昌寓為吏部尚書有姓閔求官者昌寓問君是誰後對曰子騫後昌寓笑曰遥遥華胄

五代唐郭崇韜為樞密使用事自宰相豆盧革等皆附之以其姓郭因問崇韜曰汾陽王本太原人徙華陰公家雁門豈其枝派耶崇韜曰因遭亂亡失譜牒嘗聞先人言上距汾陽四世耳革曰然則固從祖也

金陵李氏以唐為唐後以唐號國錢文穆王聞之曰金陵冒氏族于巨唐不亦駭人乎沈韜文曰此可取譬也且如鄉校間有姓孔氏者人則謂之孔夫子復何恠哉王

大笑宋蔡京蔡卞雖貴倚托蔡襄為族祖

妄認親父 宋梁師成自以蘇東坡之子凡蘇氏事皆陰厚之

不許通譜 唐杜正倫求與城南諸杜同譜不許銜之諸

杜所居號杜固其地有旺氣故世衣冠正倫既執政建言鑿杜固通水利既鑿川流如血閱十日止自是南杜不振不肯易姓

北齊高洋盡滅元氏族元景高請改姓高氏從之其兄景皓曰安有志已祖而從人姓者大丈夫寧可玉碎毋

為瓦全遂為齊主所殺

五代節度使符習重石昂之行召以為臨淄令習入朝

京師楊彥朗知留後昂以公事上謁彥朗者以彥朗諱石

更其姓曰石昂趨于庭仰責彥朗曰常侍奈何以私害

公昂姓石非姓石也彥朗拂衣大怒昂即日解官出府

五代時桑維翰應試有司以其姓與喪同音恒黜不取

或勸其姓易惟翰鑄鐵硯又作日出扶桑賦以自堅後竟

登第

不妄認祖 宋狄青為樞密使有狄梁公之後持梁公畫

像及告身十餘通詣青獻之以為青之遠祖青謝之曰
一時遭際安敢自附梁公厚贈而遣之

皇后不稱姓 魏明悼后崩議書銘旌或欲去姓而書魏
或欲兩書司馬孚以為經典正義皆不應書凡帝王皆
因本國之名以為天下之號而與往代相別耳非為擇
美名以自光也天稱皇天帝稱皇帝地稱后土后稱皇
后此乃所以同天地之大號流無二之尊名不待稱國
號以自表不俟稱氏族以自彰是以春秋隱公三年經
曰三月庚戌天皇崩尊而稱天不曰周王者所以殊乎

列國之君也八月庚辰宋公和卒書國書名所以異乎
天王也襄公十五年經曰劉夏逆王后於齊不曰逆周
王后姜氏者所以異乎列國之夫人也至於列國則曰
夫人姜氏至自齊又曰紀伯姬卒書國稱姓所以異乎
天王后也由是觀之尊稱皇帝赫赫無二何待於魏乎
尊稱皇后彰以謚號何待於姓乎議者欲書魏者此以
天王之尊同於往古列國之君也或欲書姓者此以天
王之后同於列國之夫人也垂經典之大義非所以垂
訓將來為萬世不易之式也從之

皇后復姓 後漢梁冀見鄧香女為貴人有寵女初隨母
養於梁紀冀乃認為己女易姓為梁後冀誅立為后猶
姓梁氏羣臣以后本出於鄧復姓鄧氏

宋孝宗謝皇后丹陽人幼孤鞠於翟氏冒姓翟及長入
宮以貴妃立為皇后復姓謝氏

公主改姓 宇文周趙王昭女千金公主周主贇以之妻
突厥趙王昭欲刺楊堅為堅所殺及堅篡周公言於
突厥統兵伐隋後因突厥勢衰講和公主乃請改姓楊
氏隋遂封為大義公主

宰相不呼姓 唐開元後宰相不以姓著止稱燕公者張
說也

自敘功伐 左傳襄公十年瑕禽曰昔平王東遷吾七姓
從王

宗姓爭長 左傳滕薛來朝於魯爭長滕君曰薛庶姓也
我不可以後之魯侯使人謂薛君曰諺有云山有木工
則度之賓有禮主則擇之周之宗盟異姓為後他日寡
君朝於薛必不敢與諸任齒君若辱貶寡人則願以滕
君為請乃長滕侯

黃池之會吳與晉爭長晉侯曰於周室我為長吳侯曰於姬姓我為伯晉司馬寅曰夷德輕請待之乃長吳侯同姓妾婚左傳齊東郭偃御崔武子以弔棠公見棠姜而美之使偃娶之偃曰男女辨姓今君出自下臣出自桓不可崔子不從卒娶之齊莊公通焉崔子遂弑莊公而崔氏亦滅

子產聘晉晉侯有疾子產謂叔向曰僑聞之內官不及同姓其生不蕃美先盡矣則相生疾君子是以惡之故志曰買妾不知其姓則卜之男女辨姓禮之大司也今

君內寔有四姬焉皆同姓也其母乃是也乎

魯昭公娶於吳為同姓謂之吳孟子

齊盧蒲癸娶慶舍女同宗也人謂之曰男女辨姓子不避宗何也曰宗不余避余焉避之詩賦斷章子所取求焉惡避宗

漢時王莽娶王咸女以為源不同而娶之莽曰予黃虞之後也故號其女為黃皇室主

魏陳矯本劉姓出嗣舅氏而娶於劉徐宣每非之太祖愛其才乃下令曰喪亂前事一切勿問

王基為子納王沉女以姓同源異文中子曰王劉二姓不可為婚以同出

後先之

先索大姓 後漢周紆為洛陽令下車先問大姓主名吏舉豪民以對紆怒曰本問貴戚馬寶等輩豈能知此賣菜傭乎由是貴戚屏息莫敢豪橫

夢識罪人姓名 北秦符融時有遠客歸妻為人所殺而寃繫於獄者夢馬立水邊二日在水下融曰馬立水邊馮字也二日昌字也殺汝妻者其馮昌乎果得馮昌而出其夫之罪蓋昌素與妻通欲殺其夫誤中妻耳

夢得夫姓 有貴家女屢議姻即不成夢人告曰田頭有鹿角田尾有日炙乃汝夫也後有魯姓者求之而諧

夢識仇姓 唐謝小娥父與夫為人所殺夢人告曰殺汝父者車中猴門東草殺汝夫者禾中走三日人也有人解之曰車中猴申字也門東草蘭字也禾中走亦申字也三日人春字也然則申蘭申春乎女偽為男子於申家村求之果得其人因乘間殺之遂報父仇

夢得榜姓 宋許及之屢舉不第夢神告曰汝陰功未積盍施藥於人乎及之如其言後就試夢神復告曰施藥

功多陳婁間處殿上呼臚喚六作五後開榜果登第六
名上人姓陳下人姓婁而呼臚之際第五名不至乃自
六升為第五

戲姓滅宗 五代漢時蘇逢吉與史弘肇共飲坐客有為
手勢令者弘肇不能旁客閻晉卿教之弘肇得免罰逢
吉笑曰坐有姓閻人何憂罰酒弘肇妻閻氏本倡家善
酒令以為譏已大怒欲毆逢吉遂成仇隙後皆至滅宗
禁卯金刀 王莽既篡天下禁天下用卯金刀以漢為劉
姓卯金刀其字也

國姓有識 東漢官職下皆帶一曹字後代漢者曹氏也
唐室未興天下歌桃李子又言十八子當有天下亦李
氏也至於武則天尤異明知為女人明知在宮中又明
知姓武氏而卒不能去之然則國家廢興成敗豈果有
數存乎

姓薛得官 唐武后時張昌宗用事 弟同休亦得勢有
薛姓者厚賄求美官張囑吏部越日吏部偶忘其名復
問於張張亦忘之乃曰但姓薛者與之時同時赴吏部
姓薛者幾三十餘人皆選以美職

尹姓命子 漢賈彪為新息長民禁不舉子民舉子者皆曰此賈父所生易名為賈

漢吳祐為酒泉太守令囚妻入獄有孕因謂妻曰吾死無憾何以報吳君哉妻若生子當名吳生

魏時鄭渾為下蔡長召陵令時天下未定民生子多不舉渾課使耕桑重去子之法民漸豐給所育男女多以

鄭為字

晉安帝時顧琛女孔氏平賊亂救饑民民子以孔為名

唐韓愈為山陽令有惠政民生多以韓姓為呼

唐薛逢為巴州刺史人歌之曰日出而耕日入而息吏不到門夜不掩扉有孩有童願以名垂何以字之薛孫薛兒

宋俞偉仕于閩閩人生子貧不能贍者多滄殺之偉嚴為之禁活者千計後其子道立使閩有小兒數百迎于郊多以俞為姓者

賢性命子 元伯顏字宗道三歲時以指畫卦穎悟異人父因以顏名之謂顏子復生也

假姓瀆倫 宋孝武殷貴妃本南郡王義宣女義宣敗孝

武密取之麗色巧笑寵冠後庭假姓殷氏左右宣泄者
多死故當時莫知所自

梁蕭正德妹長樂公主適陳郡謝禧正德奸之以婢燒
死詐稱長樂公主納於室稱為柳夫人生二子為

頻改姓氏 隋時李密遺河間王子慶書曰王之先世家
住山東本姓郭氏乃非楊族婁敬之於漢高殊非血胤
呂布之於董卓良異天親蓋欲其自異於隋也慶得書
遂降於密改姓郭氏密破歸東都又為楊氏及王世充
僭號又改郭氏後歸唐為宜州刺史又復楊氏

因姓惡蠚 晉趙王倫欲誅解系兄弟曰我水中見蠚尚
惡之况此人兄弟又輕我乎遂俱收戮

姓不利國 南漢主劉巖初改名襲人謂襲名不利當敗
國乃改名龔龔音巖後劉鋹用龔澄樞而亡澄樞亦誅
人謂姓之應也

忌姓不婚 唐自敏中欲選侯生為壻妻曰已既姓白壻
復姓侯人必呼曰白猴矣乃止

忌姓不立后 宋度宗時賈涉女有殊色欲立為后左右
竊相謂曰不立真皇后乃立賈皇后耶帝病其言乃止

無姓夷國 東南夷瓜哇國披髮纏身其俗有名而無姓
無姓禪師 唐時五祖弘忍大師黃梅人生而無父棄之
水中不死人呼無姓兒四祖道信嘗于路逢之問小兒
何姓曰是佛姓曰汝無姓耶曰姓空故無師因乞為弟
子後為法嗣

叙姓疎妄 子長之序司馬氏所自出也其先司馬適晉
後復奔魏子雲之序楊氏所自出也其祖食采晉陽後
為陽侯二公之序詳矣然按之春秋隨會奔秦後自秦
入魏自魏而還晉豈有自晉奔魏之理則知子長之說

也妄考之張衡言晉大夫食采于陽為楊氏有罪而楊
氏滅無有所謂陽侯則知子雲之說也疎

闕奴假姓 唐昭宗時孔緯言楊復恭將反曰復恭陛下
家奴而肩輿至前殿廣樹不逞皆姓楊非反耶復恭曰
欲收士心輔天子帝曰誠欲收士心胡不假李姓復恭
無以對帝欲收其勇奴守立以除復恭乃呂守立賜姓

李氏

詭托姓名 漢時有狂人成方遂詭稱戾太子
東漢光武初有卜者王即詭稱成帝子

第五倫官未達客河東變姓名稱王伯齊載鹽往來太原當所過糞除

晉張昌易姓名為李辰以反又易丘沈姓名為劉尼假稱漢後立為天子後為劉弘所擒

南宋時王僧達愛軍人朱靈寶令詐死寄左永藉注為已子改名王元序補以美官後事發加禁錮

唐李至遠堂吏部有王忠者已斥之矣吏詭易其姓為士冀掩過則增為王也至遠一閱即怒曰選曆千餘人無士姓者此必王忠也吏叩頭伏罪

宋端平中布衣翟穎性險誕與知制誥胡旦狎旦為作大言使穎上之旦改穎名曰馬周以為唐馬周復出

高宗時有商人妻易氏詭稱榮德帝姬開封尼李靜善詭稱柔福帝姬

范用吉者本姓字木魯名又住由金入宋謁制置趙范將以計動其心乃更姓名范用吉趙怒其觸諱斥之用吉猶應對如故趙良父方悟且利其事與已符遂擢置左右凡所言動畧不加疑易其姓曰花使為太尉鎮均州未幾納款于元

王莽為制 莽既篡位詔黃嬬陳田王氏皆黃虞苗裔子同族也因今天下止此五姓名籍于秩宗世世復無所與其元城王氏勿令相嫁娶以別族理親

遼金姓制 遼太祖慕漢高祖故耶律兼稱劉氏以乙室拔里比蕭相國遂為蕭氏世世婚姻不取他族咸雍十年都林牙庶箴上疏乞增廣國姓使諸部各立姓氏庶男女婚姻有合典禮帝不從

金世宗禁女直人毋得譯為漢姓又禁女直人不得改稱漢姓

章宗制諸女直人不得以姓字易為漢字又詔臣庶名犯古帝姓及同者禁之又定皇族收養異姓男為子者徒三年姓同者減二等又定以國姓賜功臣賞法時完顏勗撰女直郡望姓氏譜蓋始異于遼而終未得乎變夷之風也

不識姓字 宋林摠唱進士名不識甄益字被斥按甄本音真又

或以為音堅而今之河南甄姓皆從甄韻則人之不識甄字者多矣

暨陶登元豐五年進士第一臚唱者以泪音呼其姓訖不應神宗顧考官蘇頌頌奏當以入聲呼之果出時以

次名遜升唱第已數人矣陶怡然無恨色出八閩通志
楊萬里嘗對客言于寶作搜神記一吏持氏族志進曰
作搜神記者乃干寶非于寶也萬里喜曰子吾一字師
以姓為戲 漢孔融詣楊脩脩出楊梅食之融曰此是爾
家果脩時年七歲荅曰未聞孔雀是夫子家禽

宋殷淳字子孚與何勗共食學羨盡勗曰益殷尊羨勗
無忌子也孚徐輒筋曰何無忌憚

晉時韓博以張天錫命奉表江左有口才桓溫使司馬
刁彛嘲之曰君是韓盧後博曰君正是韓盧後耳溫曰

刁以君姓韓故相問彼自姓刁那得韓盧後耶博曰明
公脫未之思短尾者為刁也一坐推嘆

北齊徐之才嘲王昕曰有言則誑近犬則狂如頸足為
馬施角尾成羊盧元明戲之才曰卿姓未入人名是字
之誤之才荅曰卿姓在亡為虐在立為虛生男則為虜
配馬則為驢

陳虞寄年數歲客有候其父遇寄于門嘲之曰即子姓
虞必當無智寄應曰文字不辯豈得非愚客大慙

隋何妥年八歲游國子學助教顧良戲曰汝姓何是荷

葉之荷河水之河妥曰先生姓顧是眷顧之顧新故之故眾咸異之

隋柳調為侍御史楊素戲曰柳條通體弱獨搢不須風調信無取公不當以為侍御史調有可取公不應發此言也

柳機柳昂俱以外戚貴顯而楊素為納言用事因上賜宴素戲曰二柳俱摧孤揚獨聳坐者大笑

唐人有戲狄姓為二犬者人曰狄乃犬旁加火耳曰犬旁加火正著熱狗也

有喜附貴族者因遊姑蘇書曰大丞相再從姪遊此士人李璋善謔書其下曰混元皇帝六十二代孫李璋繼至

宋郭忠恕戲聶崇義曰近貴為曠攀龍即聾雖然三耳不成一聰崇義曰莫笑生三耳終勝懷二心

盧多遜與賈黃中對奕外人報有飛蝗盧曰非真黃虫乃假黃虫也黃曰吾亦聞禾無損但蘆多損耳

楊誠齋與游雅齋厚善每相謔游曰楊子為我楊曰尤物移人

石曼卿好恢諧嘗馬上被跌笑曰賴是石學士若凡學士豈不跌碎乎

蘇軾微服詣玉泉皓禪師師問曰公何姓曰姓秤欲秤天下長老輕重耳師大喝一聲曰此聲輕重公能秤得否軾聳然敬之

韓侂胄用事時有弟亦招權名小韓內宴時優伶飾選人詣日者詢之日者曰汝今見小寒不利要利時須見大寒耳

丁大全與董宋臣專政內宴時有優人專擊鑼鼓一優人斥之曰聖上要寧靜汝丁董董不已何也荅曰於今國事皆丁董吾安得不丁董

天有姓 吳張溫聘蜀聞秦宓有口才欲困之問天有姓乎對曰有曰何姓曰姓劉曰何以知之曰天子姓劉是以知之溫大慙服

輕問取辱 梁有朝士姓吉者謁尚書令何敬容敬容卒問曰君去丙吉幾世對曰如公之于蕭何一時傳以為笑

善據得職 南齊王儉典吏部有姓譚者求官儉曰齊侯

經文廣通元
滅譚那得有君客曰譚子奔莒是以有僕儉賞其善據
卒得職焉

劉勗為祖 晉廣陵劉頌同郡有雷蔣穀魯四姓皆出其
下時人語曰雷蔣穀魯劉勗為祖

同宗不言 石晉時安彥威與安太妃同宗出帝事以為
舅彥威未嘗自言及卒太妃臨哭人始知其同宗也當
時益稱其謹重

姓安人擊惱 五代時溫韜發唐諸陵明皇髑髏為姓安
者所得供奉甚謹家致大富及四子共分乃折為四片

時有士人笑曰明皇生死為姓安人擊惱

姓宜第四 宋丁謂與孫何齊名開榜何第一謂居第四
耻居其下壚傳之際殿下有言太宗曰甲乙丙丁宜居
第四尚何言哉

閻馬丁當 理宗時閻貴妃與馬天驥丁大全專政有人
書國門曰閻馬丁當國勢將亡

姓作姓名 漢史貨殖傳有姓偉姓其姓偉其名也儒林
傳丁姓子孫從榮廣受穀梁春秋丁其姓姓其名子孫
其字也

重董呼姓氏 董呼姓惟元人有之有脫脫台里氏有脫

脫忒氏有按攤脫脫里氏有達達兒氏有荅荅里帶氏

有徹徹担思古氏有西域回回氏

姓名同音 六帖云周之時有騏期漢之時有杜度謂姓

名同音也危言又云周之時有魯大夫眾仲余又謂周

之時有衛大夫承成戰國之時有韓大夫摎留漢之時

有虞禹張章三國之時有奚熙北燕錄有光祿大夫乙

逸而 我朝亦有大理卿周舟以上五段俱出名疑

請殺五姓 元順帝至元三年伯顏請殺張王劉李趙五

姓漢人帝不許

胡粹中評曰五姓漢人皆先朝佐命有功者也何罪而

欲盡殺之哉伯顏至是蓋肆行而無忌矣順帝不之許

則威福猶不至下移也

以姓顯名

公孫將軍 漢公孫詭為梁孝王寵愛號公孫將軍

司馬相公 宋司馬光

魚頭參政 宋魯宗道

小范老子 宋范仲淹

皇甫先生 宋皇甫坦為孝宗所重稱皇甫先生而不名

東海蕭先 漢蕭望之

京兆田郎 漢田鳳為尚書郎容儀端正靈帝目送之題

柱曰堂堂乎張京兆田郎

大小夏侯 漢夏侯勝 大小歐陽 唐歐陽詢

大小戴 漢戴德 大小馮 漢馮野王馮玄

大小王 晉王羲之 大小鄭 北魏鄭道

大小秦 唐秦景通 與弟暉

大小許 唐蘇瓌蘇頲俱封許國公 宋許將許世安俱狀元

大小宋 見前 大小任 宋任孜任俊俱負氣

大小翟 宋翟興翟進俱死節

南北鄭 唐鄭細與姪餘慶相繼拜相 鄭餘慶第號北鄭

李郭 李膺郭泰李儀 鮑謝 南宋鮑昭謝靈運

陰何 梁陰鏗 何遜

蘇李 蘇武李陵蘇頲李義甫蘇味道李嶠又蘇晉與李嶠

李杜 李固杜喬李膺杜密李雲杜衆李白杜甫又 宋末李韶杜範皆以廉直著名人稱李杜

劉何 梁劉孝 溫邢 北魏溫子 邢何遜

邢魏 北魏邢邵 高游 北魏高門 魏收

二疏 見前

二鮑 鮑水

二班 班彪

二唐 唐林

二鍾 鍾鈺

二范 范宣

二高 高閔

二魏 魏季景

二周 周繁

二盖 盖文懿

二武 唐武元

二扈 五代扈

二管 宋管師

二宋 宋宋雄與同郡宋琪同名

二陳 宋陳師

二蔡 宋蔡京

二張 及張元

二林 宋林敏

二樓 宋樓覺

二丁 宋丁宗

二張 及張元

三周 南梁周弘

三支 唐支誠

三方 宋方閔

三呂 宋呂蒙

三仲 宋仲世

三楊 宋楊湜

三種 宋種世

鮑恢

唐遵

范甯

魏叔

盖文懿

五代扈

宋管師

宋宋雄與同郡宋琪同名

宋陳師

及張元

宋林敏

宋樓覺

宋丁宗

及張元

南梁周弘

唐支誠

宋方閔

宋呂蒙

宋仲世

宋楊湜

宋種世

鮑水

唐林

范宣

魏季景

盖文懿

五代扈

宋管師

宋宋雄與同郡宋琪同名

宋陳師

及張元

宋林敏

宋樓覺

宋丁宗

及張元

南梁周弘

唐支誠

宋方閔

宋呂蒙

宋仲世

宋楊湜

宋種世

三胡 元胡長孫與兄之淵之紀以文季名永康稱三胡

四洪 宋洪師民四子俱有文名長明字龜父次芻字駒父次炎字玉父次羽字鴻父時稱四洪

六吳 吳垣之吳隱之吳通微吳通玄吳育吳允兄弟俱號二吳總之六吳

六柳 隋柳機柳昂等為六柳

蕭曹魏丙 蕭何曹參魏相丙吉皆漢賢相

管鮑慶廉 管仲與鮑叔善廉范亦與慶鴻厚時語管鮑

慶廉

趙蓋韓揚 趙廣漢蓋寬饒韓延壽楊惲皆漢宣時良吏

辛陳杜趙 曹魏時辛毗陳群杜襲趙儼並著勲名故號

潘陸顏謝 潘岳陸機顏延之謝靈運並以文名

房杜姚宋 房玄齡杜如晦姚崇宋璟皆唐時賢相

王楊盧駱 王勃楊炯盧照隣駱賓王皆唐文人

許郝田彭 郝處俊與舅許圜師同里俱顯時鄉人田氏

彭氏富于財江淮語曰貴如許郝富如田彭

裴馬盧李 裴行儉馬載盧從愿李朝隱前後典選皆稱

職

姚宋畢李 唐明皇擢用姚崇宋璟畢構李極皆極一時

之選時稱姚宋畢李

虞褚薛魏 虞世南褚遂良魏叔瑜薛稷並善書

楊穆許李 穆質與楊憑許孟容李鄘交善時人共以姓

稱

韓范富歐 韓琦范仲淹富弼歐陽脩皆宋賢相

張韓劉岳 張俊韓世忠劉光世岳飛皆宋良將

楊袁舒沈 楊簡袁燮舒燐沈煥皆陸象山門人

何王金許 何基王柏金履祥許謙皆傳朱子之學

虞楊范揭 虞集楊載范淳揭傒斯並元時以詩文著

以號顯姓

漢劉岱劉繇號劉氏二龍許靖許虔號許氏二龍而唐烏

承玘承恩號烏氏二龍南唐徐鉉錯亦號徐氏二龍宋

孫逢吉與弟逢年逢辰皆有文行時號為孫氏三龍李

氏兄弟亮叔訓秀號李氏四龍房氏兄弟豫垣邃熙亦

號房氏四龍汝南周氏五子子輿子羽子仲子明子良

號周氏五龍而公沙穆五子紹孚恪遠樊張裕五子演

鏡永辯岱辛氏五子攀鏗曠寶迅以及燕山竇氏皆號

五龍其異姓者則汜昭戴祈徐晏夏隱劉彬與索靖汜

裏張魁索紆索永亦皆號五龍卞粹兄弟六人號卞氏

六龍而溫恭兄弟六人亦號溫氏六龍陸微兄弟七人
號陸氏七龍而崔微兄弟七人亦號崔氏七龍荀淑子
八人崔瑄兄弟八人號八龍而賀德仁劉知幾伏羲兄
弟各八人亦各號八龍崔樞兄弟九人號崔氏九龍而
王昕兄弟九人亦號王氏九龍賈彪兄弟三人號賈氏
三虎而陸暉兄弟三人亦號陸氏三虎北齊崔悛與弟
仲文號崔氏二鳳而隋魏景義魏景禮亦號魏氏二鳳
而宋謝洪謝澤亦號謝氏二鳳唐薛元敬薛牧薛德音
號河東三鳳而宋何崇何稟何槩亦號何氏三鳳

同姓相類 事有同姓相類者如沈瘦事前有約後有昭
畧望塵之潘前有黨後有岳書紅葉之鄭前有虔後有
谷致水鱗之王前有祥後有延妻寄怨詩之竇前有玄
後有泊弔客驢鳴之王前有粲後有濟

史傳訛姓

孔子弟子鄔單一作鄔善

句井彊一作鈞井彊 薛邦史記作鄭國

邾巽家語作邾選文翁圖作國選

子路門人承回一作成回

曆毛蘇代之後春秋後語作曆毛壽韓嬰作潘壽史記作史毛壽國語作唐毛壽

貨殖傳桓廢雍伯漢書桓作稽雍作翁

酷吏傳寧成一作寧成殷中一作假中臧宣一作臧宣

儒林傳殷中一作假一作暇

孟子癰疽佞倖傳作雍睢

功臣表陳武一作柴武

相如傳蘭忌嚴助傳作閒忌

郭解傳鹵公孺漢書作魯公孺

封禪書武帝王夫人漢書作李夫人

衛青傳輝渠侯鷹庇一作雍庇河渠侯禽黎一作鳥黎常

樂侯銅離一作稠離一作調離

袁盎傳稽生作服生袁或作爰

趙將龐煖索隱曰即馮驩倪寬作兒寬

冷褒作廖褒童恢作僮种

向平作尚平王良作郵無恤

伯樂作孫陽

左國世本世紀年表人表諸書所載姓名辨異

雍作中雍
仲忽作中冓

作粥熊
曼作伯檀伯

甫作中山父
張仲作張中

莊公射姑作嚴公亦姑
南宮毛作南宮髦

徐偃王作隱王
賓孟作賓猛

齊公子無虧作無詭
安孺子作晏孺子

公子壽作公子嘉
徒人費作寺人費

公子嘉即公子成
邴歆作邴鄆又作邴戎

輪扁作輪邊
邴歆作邴鄆又作邴戎

雍林作雍廩
於陵作仲子中子

薄疑作蕩疑
闕止作監止

閻職作庸職
騶忌作鄒忌

樂羊作樂陽
魯苦越作苦夷

畝微生作尾生晦
微生高作尾生高

佛肸作佛肸又作佛肸
公肩假作公肩瑕

公肩定作公堅定
卞莊子作館莊子

曹劌作曹沫又作曹翽
闕黨童子作厥黨

公輸班作公輸般又作公舒班又作公輸盤

顏般作顏班

榮啓期作榮聲期

楚公子圍作公子回

司馬子綦作子期

費無極作費無忌

祝鮒作祝瞻

景差作景瑳又作景慶

椒舉作湫舉

偃陽作福陽

淖齒作卓齒又作悼齒

鄭成公輪作公成綸

高渠彌作高渠昧

傅瑕作甫瑕

衛殤公剽作殤焱

蒯賁作蒯蕢

武夷作視夷

棘子成作葦子成

宋鉞作宋控

石圍作石專又作石塿又作石曼專又作石姑專

晉狐咺作狐爰

舅犯作咎犯

韓求伯作昧伯

魏犇作魏讎

屠岸賈作屠顏賈

屠黍作堵黍

竇鳴犢作竇鳴鐸

舜華作慶華

閻明作閻沒

冀闕作翼闕

知果作知過

豫讓作豫襄

吳蹶由作厥由

趙仇液作祝郝又作杻郝

陳司徒莒作徒司招又作司徒昭

公仲修作公仲馮

寧越作寧越又作寧經

梁舍人馮嘉作馮熹九方甄作九方臯

內名不同者亦附見其中鬻粥古字本通用不足為訛若曼之為檀安之為晏簿之為蕩闕之為監等類訛以傳訛存之備考

同名姓辯

路史曰耳目之所接有不得而盡世知孔子之謚文宣王而不知齊之竟陵王子良與隋之長孫雅亦曰文宣王漢兩龔遂俱為郡太守兩京房俱明易災異然則千

歲之以萬里之遠其不約而同者詎可既耶昔嘗聞有

唐堯虞舜矣及披梁史則又有所謂虞舜者官丞太常

嘗薦明堂之議而漢更有唐堯為臨武長堯舜而可名

哉予述路史既白祝融氏共工氏帝魁氏青陽氏高陽

氏渾敦氏與夏后啓商湯有巢氏豕韋氏之不同而悵

或人之無識也夫經史之間氏名同者衆矣如劉弘王

褒俱有十一張良有九而張敞王吉皆有八然則記錄

之下可勝感哉且士甸士鞅之父也而乃相鞅壽夢句

吳之君也而乃臣越書裁四代亦既載兩伯夷而論語

一書乃有兩南宮适世莫察爾夫公孫龍為孔門高弟而顏回為晉代羗師時殊事異正得不滿有如王羲之之仕符健張華之佐慕容德韓信降虜曾參殺人亦既並時得不為投杼耶昔蕭繹陸善終俱著同姓名錄然特不能包刺即以後世固不勝窮而在古猶不少請誦其涉史篇著左方按古有庸成氏而黃帝之臣亦曰庸成伏羲曰蒼牙而天雷之吏亦曰蒼牙羲臣曰巫咸而耒又商家帝臣曰朱宣而為唐刺濮以至離婁事黃帝則論彼商臣張若事黃帝則指夫秦士趙隱仕商臣而

亟舉魏賢馮夷友費昌而竟談河伯觀叔均思而稷子

山海經商見習朋而疑齊臣黃帝臣見習朋贊風后為軒師禹均曰叔均

亦曰疑伍胥為楚族黃帝臣有伍胥謂赤松為炎帝諸侯王初

號赤松而以季連為柳惠等伍陸終之子曰季連仲衍為

孟戲之弟紂兄亦曰仲衍而孔甲為孔子之孫黃帝史官曰孔甲而孔子八世

孫鮒亦名皆有錯於見聞者也復若帝嚳之臣有窮之君俱

曰羿而俱以射名少昊之子魯國之士皆曰般而皆因

巧著凡此族者悉皆能紀且以虞仲之孫實曰虞仲蔡

昭侯申實蔡文侯申實曾孫之子也是叵訓者漢趙王

曰如意矣而廣宗又名之唐義成曰琮矣而奉天又名之
 鬱林曰恪矣而建王又名之此何為耶三代之臣悉遵
 譜系下世乃有即姓而襲先代之名者烏知其非祖耶
 以晉王氏一譜而有兩渾一昶子兩愷一字茂仁兩綏
 一愉子兩父一緒父兩澄一濟弟兩處仲一敦字兩安
 一戎子兩父一衍父兩澄一衍弟兩處仲一湛字兩安
 期為一湛子豈惟他族慕用而無識哉嗟夫有人為自
 姓孔而字仲尼則固不可為仲尼矣然則君子又奚必
 襲迹以貽識者之譏哉

古人隱姓

老彭即彭祖姓錢名鑑 老聃姓李名耳俱出列仙傳

伯夷叔齊姓墨夷名允字公信齊名智字公達其仲僚名

遠字公望出呂氏春秋

孟子父孟孫激公宜母姓仇氏妻姓由氏 介子推姓王

名光 接輿姓陸名通 鬼谷子姓王名詡 計然姓辛

名鉞字文子有文子書行于世 達巷黨人姓項名橐出顏

師古漢書註 大夫鍾姓文 西施姓鄭名旦

荀卿師姓駢名背與仲尼同稱子弓者也

秦本紀丞相綰御史大夫劫綰姓王劫姓馮

壺関三老姓令狐名茂出荀悅漢紀

漢四皓東園公或云姓國名秉或云姓唐或云姓庚或云

園公姓韋綺里季或云姓吳名實字子景或云姓朱名

暉字文季夏黃公姓崔名廊字少通舟里先生姓周名

術字道玄漢書顏師古注曰四皓隱跡山林氏族無得

而詳皆後世皇甫謐之徒附會亦一說也

梁四公子一曰蜀閻音隸一曰魏杰音萬一曰楚端音蜀

一曰仇督音掌姓譜以為七國之梁而王子年拾遺記

以為梁武帝時人俱未可信

麻衣子姓李名和 天門子姓王名經 通微子姓揚名

什伍 神和子姓屈突名無為 玄真子姓張名志和

達觀子姓李名荃 抱朴子姓葛名洪 金華子姓劉名

崇遠 清虛居士姓王名肇字定國 無盡居士姓張名

商英 綠珠姓梁氏 浣花夫人姓任氏 花蕊夫人姓

費氏

改易姓氏已見于前外有姓名俱變者范睢范蠡梁鴻

之外其人不一今備載之

漢書劉文伯即盧芳 三國志馬忠即狐篤前見 晉書李

辰即張昌劉尼即丘沈前見 唐書楊守亮即訾亮 李國

昌即朱邪赤心前見 李寶臣即張志忠前見 李忠臣即董

秦前見 成汭即郭禹前見 楊守立即胡弘立又改姓名李

順節 五代史殷崇義即湯悅 朱友勤即康勤 李紹

虔即晏球前見 李茂貞即宋文通前見 李繼鵬即閻珪

王宗阮即文武堅 王宗滌即華洪 朱友恭即李彥威

前見 李繼岌即桑弘志 王德明即張文禮 李繼麟即

朱友謙前見 李繼琛即康延孝前見 李紹安即袁象先前見

李紹充即溫韜前見 李紹宏即斷凝前見 孔循即趙殷

衡前見 李紹英即房知溫前見 宋人陶穀即唐彥謙 李

良嗣即馬植 李繼昭即孫德昭 李繼弼即董良弼

蜀才即范長生 鄒訢註參同契即朱熹

古姓異文

殷賢遲任或作遲或作遲或作越

鄭人醜明強鉏罕虎醜或作醜或作醜或作變強或作彊

或作弱罕或作罕

齊人丙歌雍廩丙或作邴雍或作雍或作 威王時眆子

或作眆

晉人郤缺特官藉談蛾折知伯郤或作却特或作植藉或作籍蛾或作螳作蟻知或作智

楚人椒舉為章保申謁伯比荦倫椒或作栎或作亦為或作遠保或作葆或作鬪或作鬪荦或作蓮

秦人扁鵲扁或作謁鄭人洩駕陳人洩冶或作泄或作洩
涑

東周臣伶悝伶或作冷

漢功臣表訾順雕延年膠廣德祕彭祖藉瓌訾或作訾雕或作鵬膠或作擲祕或作祕藉或作席舍人無且無或

作郵或作邲 司徒掾俞達俞或作郇或作命 丞相冥

都冥或作鄭 太子少傅執守執或作餅 諫議大夫救

仁救或作拯 尚書令鞠譚或作鞠 東海太守鄒熙鄒

或作畜或作儻 九江太守制修制或作弗 大中

夫來歛來或作萊或作邾 御史大夫鼂錯或作晁錯

御史汎勝之汎或作汜陳球碑黎陽黎或作犁 博士梧

生梧或作擲或作培 京兆尹雋不疑雋或作雋或作雋

魯相郁貢郁或作鄭或作或 王莽時南山盜佃宗佃

或作蒯備備僕夢六字通用 中常侍薨憚薨或作薨

